

摘藻堂四庫全書薈要

子部

欽定四庫全書薈要

子部

御纂醫宗金鑑卷三十六

詳校官主事<sub>臣</sub>陳本



欽定四庫全書薈要

御纂醫宗金鑑卷三十六

編輯傷寒心法要訣目錄

傷寒傳經從陽化熱從陰化寒原委

太陽風邪傷衛脈證

太陽寒邪傷營脈證

風寒營衛同病脈證

誤服三湯致變救逆

三陽受病傳經欲愈脈證

陽明表病脈證

陽明熱病脈證

陽明府病脈證

陽明慎汗慎清慎下

少陽脈證

少陽或病柴胡湯加減法

少陽禁汗禁吐禁下

少陽可吐可汗可下

三陽合病併病

三陰受病傳經欲愈脈證

太陰陰邪脈證

太陰陽邪脈證

太陰陽明表裏同病

少陰陰邪脈證

少陰陽邪脈證

少陰太陽表裏同病

厥陰陰邪脈證

厥陰陽邪脈證

少陰厥陰外熱裏寒脈證

兩感

汗下失宜致變壞證

表證

裏證

陽證

陰證

陽盛格陰

陰盛格陽

陽毒

陰毒

欽定四庫全書

卷三十六目錄

欽定四庫全書醫要卷一萬四百九十子部

御纂醫宗金鑑卷三十六

編輯傷寒心法要訣

傷寒一證仲景論中立三百九十七法一百一十三方神明變化可謂既詳且盡矣其治雜證也則有金匱要畧分門別類包舉該括無非示人以規矩準繩欲其觸類傍通以應變於無窮也但其辭旨古奧義蘊幽深條目繁多未易領會人多苦之

茲特撮其要旨編為詩訣俾學者便於熟讀默記  
融會貫通然後再玩味全書則易讀易解有會心  
之樂而無望洋之歎矣由此登堂入室將見二千  
年來大法微言昭如日月不致塵封庶幾於斯道  
不無小補云爾

傷寒傳經從陽化熱從陰化寒原委

六經為病盡傷寒氣同病異豈期然推其行藏原非一  
因從類化故多端明諸水火相勝義化寒變熱理何難

漫言變化千般狀不外陰陽表裏間

註六經謂太陽陽明少陽太陰少陰厥陰也為病盡  
傷寒謂六經為病盡傷寒之變化也氣同為天之  
六氣感人為病同也病異謂人受六氣生病異也  
豈期然謂不能預先期其必然之寒熱也推其形  
藏原非一謂推原其人形之厚薄藏之虛實非一  
也因從類化故多端謂人感受邪氣雖一因其形  
藏不同或從寒化或從熱化或從虛化或從實化

故多端不齊也明諸水火相勝義謂水勝則火滅  
火勝則水乾也化寒變熱理何難謂邪至其經或  
從陰化為寒或從陽變為熱即水火相勝從化之  
理何難明也漫言變化千般狀二句謂傷寒變化  
千般總不外乎陰陽表裏間也

太陽風邪傷衛脈證

中風傷衛脈浮緩頭項強痛惡寒風病即發熱汗自出  
鼻鳴乾嘔桂枝功

註  
中風病名也傷衛謂風傷衛也脈浮緩謂中風脈  
也頭痛項強惡寒惡風發熱汗自出鼻鳴乾嘔謂  
中風證也桂枝功謂桂枝湯功能治中風虛邪也  
詳太陽上篇

太陽寒邪傷營脈證

傷寒傷營脈浮緊頭疼身痛惡寒風無汗而喘已未熱  
嘔逆麻黃湯發靈

註傷寒病名也傷營謂寒傷營也脈浮緊謂傷寒脈

也頭疼身痛惡寒惡風無汗而喘或已發熱或未發熱嘔逆謂傷寒證也麻黃湯發謂傷寒實邪當與麻黃湯發汗最靈也詳太陽中篇

風寒營衛同病脈證

中風浮緊偏身痛頭疼發熱惡寒風乾嘔無汗兼煩躁傷寒身重乍時輕浮緩嘔逆無汗喘頭疼發熱惡寒風煩躁而無少陰證營衛同病大青龍

註中風謂風傷衛之病也頭疼發熱惡風惡寒乾嘔

中風之證也浮緊寒傷營之脈也身疼痛寒傷營之證也今以中風之病而得傷寒之脈與證更兼不汗出之表實內熱之煩躁也傷寒謂寒傷營之病也身重不痛乍有輕時風傷衛之證也浮緩風傷衛之脈也嘔逆無汗而喘頭疼發熱惡寒惡風寒傷營之證也是以傷寒之病而得中風之脈與證更兼太陽無汗內熱之煩躁也而無少陰證謂無身重但欲寐之證也營衛同病謂風寒中傷營

衛同病也二證皆無汗實邪故均以大青龍湯發之詳太陽下篇

誤服三湯致變救逆

傷寒酒病桂勿與嘔吐不已血膿鮮尺遲服麻致漏汗惡風肢急小便難微弱汗風青龍發厥惕眩熱仍然身潤振振欲擗地桂加附子真武痊

註傷寒謂傷寒無汗之實邪也酒病謂病酒狀似中風也桂勿與謂皆勿與桂枝湯也誤與傷寒則表

氣愈固裏氣更逆嘔吐不已也誤與酒病則濕熱  
內釀傷營吐血膿也此皆誤用桂枝湯之變證當  
隨其變證治之可也尺遲謂傷寒尺中脈遲也服  
麻謂服麻黃湯發汗遂致汗出不止名曰漏汗也  
肢急四肢拘急也小便難謂小便少而難也傷寒  
脈證當用麻黃湯發汗若尺中脈遲是營氣不足  
不可發汗若誤發之則致漏汗惡風四肢拘急小  
便難等變證也當以桂枝加附子湯救逆可也微

弱謂大青龍證脈微弱也汗風謂大青龍證自汗惡風也大青龍證脈不浮緊若浮緩而微弱反汗出是大青龍脈證未具也誤以大青龍發之致其人厥冷筋惕心悸頭眩熱仍不退身肉瞤動也振振欲擗地謂聳動不已不能興起欲墮於地也此皆誤與大青龍湯發汗之變證當以真武湯救逆可也詳太陽篇

三陽受病傳經欲愈脈證

傷寒一日太陽病欲吐煩躁數急傳陽明少陽證不見  
脈靜身和為不傳

註傷寒一日太陽受病二日陽明受病三日少陽受  
病此其傳經之常也若初病頗欲吐煩躁脈數急  
者謂邪盛傳經而不解也二三日陽明少陽證不  
見脈靜身無所苦者謂邪衰不傳欲自愈矣

陽明表病脈證

葛根浮長表陽明緣緣面赤額頭疼發熱惡寒而無汗

目痛鼻乾卧不寧

註 太陽未罷又傳陽明太陽表邪拂鬱陽明肌熱為

陽明經表病也葛根湯陽明謂葛根湯主治陽明  
表病也浮長謂陽明之表脈也緣緣面赤連額頭  
疼發熱惡寒無汗目痛鼻乾卧不得寧皆謂陽明  
經之表證也用葛根湯解兩經之邪也詳陽明篇  
陽明熱病脈證

白虎煩渴熱陽明汗出身熱脈長洪不惡寒兮反惡熱

合柴兼見少陽經

註  
太陽已罷而傳陽明不傳少陽亦未入府其熱漸  
深表裏俱熱為陽明經熱病也白虎熱陽明謂白  
虎湯主治陽明熱病也脈長洪謂陽明之熱脈也  
煩躁口渴引飲汗出身熱不惡寒反惡熱皆謂陽  
明經熱病之證也用白虎湯解陽明表裏俱熱也  
陽明未罷又傳少陽亦陽明熱病也合柴謂白虎  
合小柴胡湯治陽明經熱證兼見少陽經弦脈寒

熱往來口苦耳聾目眩而嘔胸脇痛之病也詳陽明少陽篇

陽明府病脈證

胃實脈大府陽明大便難兮脾約同蒸蒸潮熱澱澱汗濇痛始可議三承

註脈大府陽明謂熱邪入府陽明當脈大也曰胃實曰大便難曰脾約謂府病受邪之不同也脾約者太陽陽明也胃實者正陽陽明也大便秘者少陽

陽明也皆為可下之證不無輕重之別然必蒸蒸潮熱身肢濺濺然汗出或滿或痛始可議其微甚以三承氣湯麻仁丸下之可也詳陽明篇

陽明慎汗慎清慎下

陽明表證反有汗桂枝加葛中風傳熱證無汗亡津液燥渴仍從白虎痊胃實汗熱原應下惡寒浮緩表為先欲知定鞭識失氣不轉微瀉下之寃舌滑尿白小便數便鞭休攻導自安小便數多知便鞭無苦數少是津還

註

陽明表證應無汗反有汗是從風邪傳來仍從表  
治宜用桂枝加葛根湯陽明熱證應有汗反無汗  
是或吐或汗或下亡其津液若無燥渴則從表治  
若有燥渴仍從熱治宜用白虎湯胃實自汗潮熱  
原應下之若有惡寒浮緩之表宜先解表表解已  
乃可攻之欲知大便鞭定未定當少與小承氣湯  
轉失氣者已成定鞭當與大承氣湯攻之若不轉  
失氣者未成定鞭攻之必溏勿更與也若脈微瀼

者亦不可下下之則寃死也舌滑尿白裏熱微也  
雖小便數大便鞭其熱遠在廣腸亦不可下用蜜  
煎豬膽導法自可安也凡小便數多知大便必鞭  
雖大便鞭而無或滿或痛之苦當審其小便日幾  
行日減數少是津液還於胃中慎不可攻不久必  
自大便秘出也詳陽明篇

少陽脈證

往來寒熱胸脇滿脈弦目眩而耳聾口苦默默不欲食

心煩喜嘔少陽經或渴或欬身微熱或脇鞭痛腹中疼  
或悸不嘔尿不利舌胎滑白小柴宗

註 脈弦謂少陽病脈也往來寒熱胸脇滿目眩耳聾  
口苦默默不欲食心煩喜嘔少陽經主證也或渴  
或欬身微熱或脇鞭痛腹中疼或悸不嘔尿不利  
舌胎滑白者皆少陽或有之證也均宜小柴胡湯  
主之隨證加減治之可也詳少陽篇

少陽病用柴胡湯加減法

胸煩不嘔去參夏加萸若渴半易根腹痛去苓加芍藥  
心悸尿秘苓易苓脇下痞鞭棗易蠟不渴微熱桂易參  
欬去參棗加乾味小柴臨證要當斟

註

少陽經主證宜小柴胡湯主治也其或有之證務  
要臨證斟酌加減可也若胸中煩而不嘔去半夏  
人參加枳萸實若渴者以半夏易枳萸根若腹中  
痛去黃芩加白芍若心下悸小便不利者加茯苓  
去黃芩若脇下痞鞭加牡蠣去大棗若不渴外有

微熱者去人參加桂枝微汗之若效者去人參大棗加乾薑五味子義詳少陽篇小柴胡湯下

少陽禁汗禁吐禁下

少陽三禁要詳明汗譫吐下悸而驚甚則吐下利不止水漿不入命難生

註

三禁謂少陽禁吐禁汗禁下也若誤發汗則生譫語若誤吐下則心悸而驚少陽經即有心下鞭不可下下之甚則下利不止即有胸中滿不可吐吐

之甚則水漿不入變成危候命難生也詳少陽篇  
少陽可吐可汗可下

胸滿熱煩梔子豉痞鞭衝喉瓜蒂平發熱惡寒肢煩痛  
微嘔支結柴桂寧鬱鬱微煩嘔不止心下痛鞭大柴攻  
誤下柴胡證仍在復與柴胡振汗生

註  
上言其禁恐失宜也此言其可貴變通也胸滿煩  
熱太陽少陽輕邪也宜梔子豉湯涌之胸滿痞鞭  
氣上衝喉不得息者太陽少陽重邪也宜瓜蒂散

吐之發熱惡寒四肢煩疼微嘔心下支結太陽少  
陽表證也宜柴胡桂枝湯微汗兩解之鬱鬱微煩  
嘔不止心下痛鞭少陽陽明表裏證也宜大柴胡  
湯緩攻兩解之誤下不致變逆柴胡證仍在者復  
與柴胡湯以和解之若解則必蒸蒸振汗出而解  
以下後虛故也詳太陽少陽篇

三陽合病併病

合病兩三經同病併病傳歸併一經二陽合病滿喘發

自利葛根嘔半同太少利芩嘔加半明少弦負順長生  
滑數宿食大承氣三陽合病腹膨膨口燥身重而譫語  
欲眠合目汗蒸蒸遺尿面垢參白虎浮大汗下禁當應  
二陽併病汗不徹面赤怫鬱大青龍表罷潮熱手足汗  
便難譫語大承攻太少頭項痛眩冒心下痞鞭如結胸  
禁汗吐下惟宜刺譫驚不食利多凶

註一經未罷又傳一經二經三經同病而不歸併一  
經者謂之合病二經三經同病而後歸併一經自

病者謂之併病二陽謂太陽陽明也太陽則有頭  
痛發熱惡寒無汗陽明則有肌熱惡熱心煩不眠  
之證相合同病也滿喘謂二陽合病當下利不下  
利更加胸滿而喘宜麻黃湯發之自利謂二陽合  
病當有之證宜葛根湯也嘔半謂二陽合病不下  
利但加嘔者宜葛根湯加半夏也同謂二證同用  
葛根一方也太少謂太陽少陽合病也太陽則有  
頭痛發熱惡寒無汗少陽則有寒熱往來口苦耳

聾目眩胸脇痛之證相合同病也利苓謂太陽少陽合病當自下利宜與黃芩湯也嘔加半謂太陽少陽合病不自利但加嘔者宜黃芩湯加半夏也若不嘔利而見太陽少陽之證非合病也宜用柴胡桂枝湯兩解之明少謂陽明少陽兩經之證同見下利合病也弦負弦為少陽木鯀木勝則土負負則死也順長生長為陽明土鯀土盛則木不能災為順順則生也滑數謂陽明少陽合病下利黏

穢者衄必滑數是宿食也宜大承氣湯嘔酸苦者  
宜大柴胡湯三陽謂太陽陽明少陽合病也腹膨  
膨謂腹脹滿也口燥謂口中乾燥也身重謂身重  
難轉側也譫語謂妄亂言也欲眠謂喜睡也合目  
汗蒸蒸謂合目出熱汗也遺尿謂失尿不知也面  
垢謂面似有油垢也此皆三陽熱盛津液枯竭之  
證設使衄浮禁不可汗衄大亦不可下惟宜用白  
虎加人參益氣生津清熱可也若未經汗下津液

未傷三陽合病輕證惟宜柴葛解肌湯清解三陽

可也二陽謂太陽陽明併病也汗不徹謂邪在太

陽發汗未徹又傳陽明也面赤謂邪猶怫鬱於太

陽陽明之表未併陽明之府宜大青龍湯解兩經

之熱也表罷謂太陽證罷也潮熱手足汗大便難

譫語謂已歸併陽明府也宜大承氣湯攻陽明實

熱也太少謂太陽少陽併病也頭項強痛目眩昏

冒心下痞鞭如結胸證謂太陽少陽二經之證尚

未歸併其邪未定禁不可汗下惟宜刺大椎肝膈  
肺膈以瀉其熱也若誤發汗則必發譫語若誤吐  
下則必心煩而驚水漿不入下利不止變此惡候  
命多凶也義詳合病併病篇

三陰受病傳經欲愈衄證

傷寒三日三陽盡熱微煩躁入陰傳其人能食而不嘔  
衄小尿清為不傳

註  
傷寒三日三陽受邪為盡三陰當受邪其人身熱

雖微而煩躁者謂邪去陽入陰不解也若其人反能食而不嘔脈靜小小便清謂邪未入於陰為不傳欲自愈也

太陰陰邪脈證

太陰陰邪沉遲脈吐食腹滿有時疼手足自溫利不渴理中湯主悸加苓腹滿去朮加附子吐多去朮加薑生雖吐下多還用朮渴欲得水倍朮寧欲作奔豚朮易桂乾薑寒倍參腹疼

註

太陰陰邪謂邪從陰化之寒證也。脈沉遲太陰陰邪。脈也。吐食腹滿時痛太陰裏寒證也。手足自溫邪入陰也。自利不渴藏無熱也。宜理中湯主之。若心下悸加茯苓。腹滿去朮加附子。吐多去朮加生薑。雖吐若下利多還用白朮。若渴欲得飲水仍倍加朮。若臍下欲作奔豚去朮易桂。中寒倍加乾薑。腹痛倍加人參。詳太陰篇。

太陰陽邪脈證

陽邪嗌乾腹滿痛誤下時痛大實疼大承桂枝加芍大  
鯀弱芍大當審行

註  
陽邪謂太陰邪從陽化之熱證也嗌乾謂咽乾太  
陰熱也腹滿痛太陰有餘證也誤下謂誤下邪陷  
太陰當分輕重也時痛謂腹有時痛有時不痛宜  
桂枝加芍藥湯和之大實痛謂腹大滿痛無時不  
痛宜桂枝加大黃湯下之兼陽明胃實以大承氣  
湯下之若鯀弱即當行大黃芍藥宜斟酌減之以

其人胃氣弱易動也詳太陰篇

太陰陽明表裏同病

腹滿時減復如故此是寒虛氣上從腹滿不減不大便  
轉屬陽明乃可攻

註腹滿時減減復如故謂腹時滿時不滿而減復如  
常此為太陰寒邪寒虛之氣上逆之滿乃可溫之  
證也宜厚朴生薑甘草半夏人參湯腹滿不減謂  
常常而滿終日不減或不大便此為轉屬陽明實

熱內壅之滿乃可攻之證也宜大承氣湯詳太陰篇

少陰陰邪脈證

少陰陰邪脈沉細背寒欲寐口中和咽痛腹痛骨節痛厥利清穀四逆瘡

註少陰陰邪謂邪從陰化之寒證也脈沉細少陰陰邪之脈也背寒謂背惡寒陽氣虛也欲寐謂但欲寐陰氣盛也口中和口中不乾燥也咽痛腹痛下

利清穀寒盛於中也骨節疼痛四肢厥冷寒淫於外也宜四逆湯溫中散寒也詳少陰篇

少陰陽邪鯀證

少陰陽邪沉細數口燥咽乾大承湯少陰心煩不得臥黃連阿膠是主方

註陽邪謂少陰邪從陽化之熱證也少陰病但欲寐陰邪則鯀沉細無力陽邪則鯀加數而有力矣始病即口燥咽乾水不上升熱之甚也宜大承氣湯

急下之瀉陽救陰也少陰病但欲寐二三日已上  
變生心煩不得眠是陽邪乘陰陰不能靜也宜黃  
連阿膠湯清陽益陰也詳少陰篇

少陰太陽表裏同病

少陰脈沉反發熱麻黃附子細辛湯若二三日無裏證  
減辛加草用之良

註少陰病脈沉為陰寒之證當無熱今反發熱是兼  
有太陽表也宜麻黃附子細辛湯急溫而散之若

二三日熱仍不解亦無裏寒吐利之證去細辛易甘草緩溫而和之詳少陰篇

厥陰陰邪脈證

厥陰陰邪微細厥膚冷藏厥躁難安囊縮舌短胎滑黑  
四逆當歸四逆先少滿痛厥薑莢入虵厥靜而復時煩  
得食而嘔虵聞臭煩因虵動烏梅圓

註厥陰陰邪謂邪從陰化之寒證也微細厥陰陰邪  
脈也厥謂四肢厥冷也膚冷謂肌膚冷也藏厥謂

寒陰藏厥也躁難安謂煩躁無有安時也囊縮謂外腎為寒收引縮入腹也婦人則乳縮陰收也舌短謂舌縮短也胎滑黑謂舌胎不乾而色黑也四逆謂四逆湯也當歸四逆謂當歸四逆湯也先者謂先服當歸四逆湯也少滿痛謂少腹滿按之痛也厥謂厥冷也薑芩入謂當歸四逆湯加入吳茱萸生薑也虵厥謂厥而吐虵也靜而復時煩謂煩時止時煩也得食而嘔虵聞臭謂嘔因虵聞食臭

而始嘔也煩因虺動謂煩因虺動而始煩也烏梅  
圓虺厥謂宜用烏梅丸也詳厥陰篇

厥陰陽邪証

陽邪熱厥厥而熱消渴熱氣撞心疼煩滿囊縮舌焦卷  
便鞭尚任大承攻四逆不分四逆散欬加薑味下利同  
悸加桂枝腹痛附下重薤白秘尿苓

註 陽邪謂厥陰邪從陽化之熱証也厥謂手足寒也  
厥而復熱熱而復厥是為熱厥厥微熱微厥深熱

深也消渴謂飲水多而小便少也熱氣上撞心疼  
是火挾木邪而逆也煩滿謂少腹煩滿也囊縮謂  
外腎為熱灼筋縮入腹也舌焦卷謂舌胎乾焦而  
卷也便鞭謂大便鞭尚可任攻宜大承氣湯四逆  
謂四肢厥冷也不分謂寒熱之厥疑似不分也宜  
四逆散疏達厥陰其厥不迴再審寒熱可也或欬  
加生薑五味子下利亦加故曰同也心下悸加桂  
枝腹痛加附子瀉利下重加薤白秘尿不利加茯苓

苓詳少陰厥陰篇

少陰厥陰外熱裏寒脈證

少陰裏寒外熱證面赤身反不惡寒厥利清穀脈微絕  
通脈四逆主之先利止參加脈不出蔥入面色赤炎炎  
腹痛加芍咽桔梗嘔加聖藥用薑鮮

註

少陰裏寒外熱之證面赤不惡寒格陽外熱也四  
肢厥冷下利清穀脈微欲絕陰極裏寒也宜通脈  
四逆湯主之服四逆湯下利止脈仍不出加人參

面色赤者加葱腹痛加芍藥咽痛加桔梗嘔加生薑詳少陰篇

兩感

一日太陽少陰病頭痛口乾渴而煩二日陽明太陰病滿不欲食身熱譫三日少陽厥陰病耳聾囊縮厥逆寒水漿不入神昏冒六日氣盡命難全

註

兩感者藏府表裏同病也一日頭痛太陽也口乾煩渴少陰也二日身熱譫語陽明也腹滿不欲食

太陰也三日耳聾少陽也囊縮而厥厥陰也傳經之邪其為病也漸兩感之邪其為病也速蓋因陽邪酷烈正不能禦所以三日後水漿不入六府之氣欲絕昏不知人五藏之神已敗而不即死者賴有胃氣未盡耳故又三日其氣乃盡而死張潔古製大羌活湯以羌獨芩連輩辛甘以散太陽之表苦寒以清少陰之熱施之於表裏不急者固為得法也若夫一日則頭痛口乾煩渴二日則身熱譫

語腹滿不欲食三日則耳聾囊縮而厥水漿不入  
昏不知人傳變如此迅速恐用大羌活湯平緩之  
劑反失機宜當遵仲景治有先後之說審其表裏  
孰急隨證治之猶或可活故於此證初病一日表  
裏俱熱者依少陰病得之二三日口燥咽乾之法  
用大承氣湯重劑以瀉陽邪之烈表裏俱寒者依  
少陰病始得之反發熱脈沉之法用麻黃附子細  
辛湯以解陰邪之急二日表裏俱實者依陽明病

譫語有潮熱腹滿時減減不足言之法用大承氣  
湯攻之表裏虛者依三陽合病腹滿身重面垢譫  
語之法用大劑白虎加人參湯清之三日表裏熱  
者依厥深熱亦深之法用大承氣湯下之表裏寒  
者依脈微欲絕手足厥寒之法用當歸四逆加吳  
茱萸生薑湯溫之緩則不及事矣其間頗有得生  
者後之學者其留意焉

汗下失宜致變壞證

太陽三日已發汗若吐若下若溫鍼不解致逆成壞證  
觀其脈證犯何經難辨陰陽六經證重困垂危莫可憑  
惟用獨參煎冷服鼻上津津有汗生

註太陽病三日已發汗不解若吐若下若溫鍼苟或  
相當即成解證如其不當不但病不解或因而致  
逆變成壞證當觀其脈證知犯何經之逆如汗後  
亡陽渴躁譫語下後寒中結胸痞鞭吐後內煩腹  
滿溫鍼後黃衄驚狂之類隨證治之可也甚或脈

微欲絕神昏不能言循衣摸床叉手冒心等重困  
垂危難辨陰陽六經莫可憑之證此時此際惟用  
人參煎湯徐徐冷服以待其機倘得鼻上津津有  
汗則為可生之兆也

表證

表證宜汗太陽經無汗發熱惡寒風頭項強痛身體痛  
若出自汗表虛明

註  
表證謂寒邪在表無汗發熱惡寒惡風頭項強痛

身體痛也太陽經主表故曰表證有是證無汗者皆屬表實雖有是證若自汗出者皆屬表虛未可輕汗即有風邪祇宜桂枝湯解肌可也表實無汗重者麻黃湯主之輕者麻桂各半湯主之時有汗時無汗者桂枝二麻黃一湯主之表實躁熱甚者三黃石膏湯主之微者大青龍湯主之不躁有熱者桂枝二越婢一湯主之以上表證不必悉具亦不論日之多寡但見有頭痛惡寒一二證即為表

未罷雖有裏證當先解表表解已乃可攻之臨證者不可不詳辨也詳太陽篇

裏證

裏證宜下不大便惡熱潮熱汗蒸蒸燥乾澀語滿鞭痛便溏為虛不可攻

註裏證謂熱邪內結不大便惡熱潮熱自汗蒸蒸口

燥舌乾澀語腹滿鞭痛也陽明府主裏故曰裏證裏實者有脾約有胃實有大便難三者均為可下

之證然不無輕重之別三承氣湯脾約丸量其可  
者而與之庶乎無過也若便溏為裏虛即有是證  
不可攻也論中有急下數證不待便實而下之者  
是下其熱也非下其結也義詳陽明少陰篇

### 陽證

陽證身輕氣高熱目睛了了面脣紅熱煩口燥舌乾渴  
指甲紅兮小便同

註陽證謂陽熱之證也不論三陰三陽凡見是證者

均為陽熱有餘也陽主動故身輕也陽氣盛故氣高而喘也陽主熱故口鼻氣熱也陽主寤故目睛了了而不眠也目睛不了了亦有熱極朦朧似不了了然必目赤多眵非若陰證之不了了而神短無光也陽氣熱故身熱面脣紅指甲紅也陽熱入裏故心煩口燥舌乾而渴小便紅也表實者三黃石膏湯發之裏實者三承氣湯下之表裏不實而熱盛者白虎解毒等湯清之可也詳三陽篇

陰證

陰證身重息短冷目不了了色不紅無熱欲臥厥吐利  
小便白芎爪甲青

註 陰證謂陰寒之證也不論三陰三陽凡見是證者  
均為陰寒不足也陰主靜故身重也陰主寐故目  
不了了但欲卧也陽氣虛寒故息短口鼻氣冷也  
陰淫於外故面無紅色四肢厥冷爪甲青也陰邪  
入內故嘔吐下利清穀小便清白也以上皆三陰

寒證臨證者以附子四逆理中吳茱萸等湯擇其  
宜而與之可也詳三陰篇

陽盛格陰

陽盛格陰身肢厥惡熱煩渴大便難沉滑爪赤小便赤  
汗下清宜陰自完

註

經曰陽氣太盛陰氣不得相營也不相營者不相  
入也既不相入則格陰於外故曰陽盛格陰也其  
外證雖身肢厥冷頗似陰寒而內則煩渴大便難

小便赤惡熱不欲近衣爪甲赤脈沉滑一派陽實  
熱證汗下清三法得宜則陽得以消陰得以完全  
也表實無汗三黃石膏湯裏實不便三承氣湯熱  
盛無表裏證宜解毒白虎湯

集註

劉完素曰蓄熱內甚脈須疾數以其極熱蓄甚而  
脈道不利反致脈沉細欲絕俗未明造化之理反  
謂傳為寒極陰毒者或始得之陽熱暴甚而便有  
此證候者或兩感熱甚者通宜解毒加大承氣湯

下之後熱稍退而未愈者黃連解毒湯調之或微  
熱未除者涼膈散調之或失下熱極以至身冷脈  
微而昏冒將死若急下之則殘陰暴絕必死蓋陽  
後竭而然也不下亦死宜涼膈散或黃連解毒湯  
養陰退陽積熱漸以消散則心胸再暖而脈漸以  
生也

陰盛格陽

陰盛格陽色淺赤發熱不渴厥而煩下利尿清爪青白

浮微通脈復陽還

註

經曰陰氣太盛陽氣不得相營也不相營者不相入也既不相入則格陽於外故曰陰盛格陽也色淺赤謂面色見浮淺之紅赤色也其外證面赤發熱而煩頗類陽熱其內則不渴下利清穀小便清白爪甲青白四肢厥冷脈浮微欲絕一派陰寒虛證宜通脈四逆湯冷服之從其陰而復其陽也利止脈不出加倍人參下利無脈宜白通加豬膽汁

人尿湯厥煩欲死宜吳茱萸湯

陽毒

陽毒熱極失汗下舌卷焦黑鼻煤烟昏噤發狂如見鬼  
咽疼唾血赤雲斑六七日前尚可治表裏俱實黑奴丸  
熱盛解毒裏實下表實三黃石膏煎

註陽毒謂陽熱至極之證也失汗下謂應汗不汗應  
下不下失其汗下之時也熱毒炎炎不已故舌卷  
焦黑鼻内生煤烟也熱毒內攻乘心故神昏噤慄

發狂如見鬼神咽疼唾血也熱毒外薄肌膚故發  
赤色如錦雲之斑也六七日前謂日淺毒未深入  
故尚可治表裏俱實謂有是證無汗不大便者宜  
黑奴丸兩解之無表裏實證熱盛者宜黃連解毒  
湯兼燥渴者合白虎湯清之裏實不便者宜解毒  
承氣湯下之表實無汗者宜三黃石膏湯發之

陰毒


陰毒寒極色青黑咽痛通身厥冷寒重强身疼如被杖

腹中絞痛若石堅或嘔或利或煩躁或出冷汗溫補先  
無汗還陽退陰汗急灸氣海及關元

註陰毒謂陰寒至極之證也血脈受陰毒邪故面色  
青黑也陰毒內攻於裏故咽痛腹中絞痛也陰毒  
外攻於表故厥冷通身重強疼痛如被杖也獨陰  
無陽不化故陰凝腹若石之堅硬也或嘔吐或下  
利或煩躁或冷汗出皆陽虛不足或有之證均以  
溫補為先宜四逆湯倍加人參若有是證其人無

汗宜還陽散退陰散溫而汗之使寒毒散而陽伸也凡遇此證俱宜急灸氣海關元二三百壯隨服藥餌未有不生者也

御纂醫宗金鑑卷三十六



總校官庶吉士臣張能照

校對官編修臣周厚轅

謄錄監生臣汪名達

欽定四庫全書叢要

子部

御纂醫宗金鑑卷三十七



詳校官主事<sub>臣</sub>陳本

欽定四庫全書薈要

御纂醫宗金鑑卷三十七

編輯傷寒心法要訣目錄

表熱裏熱陰熱陽熱  
惡寒背惡寒辨

惡風

頭痛

項強

身痛

煩躁不眠懊懷

自汗頭汗

手足汗

潮熱時熱

讖語鄭聲

渴證

舌胎

胸脇滿痛

嘔證

往來寒熱如瘧寒熱

目眩耳聾

腹滿痛

吐證

熱利寒利

但欲寐

陰陽咽痛

氣上衝

饑不欲食

手足厥逆

少腹滿痛

神昏狂亂畜血發狂

循衣摸牀

太陽陽邪停飲

太陽陰邪停飲

少陰陽邪停飲

少陰陰邪停飲

喘急短氣

心下悸

戰振慄

呃逆噦噫

結胸

瘡癩

癰黃

疹斑

衄血

吐血

大小便膿血

頤毒

狐惑

百合

熱入血室

食復勞復

房勞復陰陽易



欽定四庫全書蒼要卷一萬四百九十一子部

御纂醫宗金鑑卷三十七

編輯傷寒心法要訣

表熱裏熱陰熱陽熱

發熱無時熱翕翕炊籠騰越熱蒸蒸表熱尿白裏熱赤  
外需麻桂內涼承燥乾煩渴為陽熱厥利外熱屬陰經  
陽熱宜清白虎輩陰熱四逆與白通

註發熱無時熱翕翕謂發熱無休止之時若合羽外

覆之表熱也炊籠騰越熱蒸蒸謂發熱如炊籠蒸  
蒸內越之裏熱也表熱熱不在裏故尿白也裏熱  
故尿赤也外需麻桂謂表熱無汗宜麻黃湯有汗  
宜桂枝湯內涼承謂裏熱輕者宜涼膈散重者宜  
三承氣湯發熱兼口燥舌乾煩渴者為陽經之熱  
也發熱兼厥冷下利清穀者屬陰經之熱也陽熱  
宜清白虎解毒輩也陰熱宜溫四逆白通湯也

按  
翕翕蒸蒸發熱俱有汗二證相類若以翕翕之表

熱誤為蒸蒸之裏熱下之則逆若以蒸蒸裏熱誤  
為翕翕表熱汗之轉傷翕翕之汗熱雖同蒸蒸捫  
之自溫不似蒸蒸之汗熱捫之自有熱氣透手也  
其間或有疑似難辨又當審小便之白赤舌胎之  
潤燥自可決也

惡寒背惡寒辨

惡寒表裏陰陽辨發熱有汗表為虛發熱無汗表實證  
實以麻黃虛桂枝無熱惡寒發陰裏桂枝加附頗相宜

背寒、口和陰附子、口燥渴陽白虎需

註

惡寒一證有表裏陰陽之辨發熱惡寒發於陽表  
也有汗宜桂枝湯無汗宜麻黃湯無熱惡寒發於  
陰裏也有汗宜桂枝加附子湯無汗宜麻黃附子  
細辛湯背惡寒口和謂口中不燥而和也陰謂屬  
少陰也宜附子湯背惡寒口燥渴謂口中燥而渴  
也陽謂屬陽明也宜白虎加人參湯

按

陰陽二經惡寒雖同其身有熱無熱則異也一則

汗之二則溫之少陰陽明之背惡寒雖同其口中  
和口中不和則異也一則溫之一則清之惡寒雖  
屬輕微之證仲景立法可辨他可類推矣

### 惡風

風寒相因相離少三陽俱有惡寒風惡風屬陽法從表  
三陰惡寒無惡風

註

風寒二者大率多相因而少相離有寒時不皆無  
風有風時不皆無寒故三陽俱有惡寒惡風同見

也惡風與惡寒均表病也法當從表然風屬陽寒屬陰故三陰經證有惡寒而無惡風也

頭痛

三陽頭痛身昏熱無熱吐沫厥陰經不便尿紅當議下尿白猶屬表未清

註

三陽謂太陽陽明少陽也頭痛身昏熱謂三陽頭痛身昏熱也三陽經頭痛法當從三陽治也厥陰頭痛則多厥而無熱嘔吐涎沫是厥陰挾寒邪上

逆也宜吳茱萸湯溫而降之三陽頭痛若不大便  
小便紅赤為裏實熱法當議下宜承氣湯若小便  
清白即不大便為裏熱未實表尚未清法當先從  
表治也三陰經無頭痛惟厥陰有頭痛以其厥與  
督脈上會於巔也三陰經無發熱厥陰少陰亦有  
發熱謂之反發熱以其藏有相火陰盛格陽於外  
也

項強

項背几几強太陽皷浮無汗葛根湯有汗桂枝添葛入  
皷沉枯萋桂枝方結胸項強如柔痙大陷胸丸下必康  
但見少陽休汗下柴胡去半入萋良

註項強太陽病也項背強太陽陽明病也几几拘強

而甚之貌也皷浮屬二陽之表皷也若無汗是從  
傷寒傳來宜葛根湯有汗是從中風傳來宜桂枝  
加葛根湯皷沉謂邪已入胸裏也宜括萋桂枝湯  
結胸謂結胸病也項強如柔痙謂項強背反張有

汗如柔痙之狀也宜大陷胸丸但見少陽謂太陽少陽併病之項強休汗下謂邪入少陽不可更汗下也宜柴胡湯去半夏加栝蒞主之良好也栝蒞桂枝湯方在金匱要畧

身痛

身痛未汗表實證汗後身疼屬表虛桂加生薑參芍藥尺遲血少建中者少陰沉厥附子治厥陰汗利四逆醫風濕盡痛難轉側掣引煩疼桂附宜

註身痛未汗屬表實證宜麻黃湯汗後身疼屬表虛

證宜桂枝新加湯即桂枝湯倍生薑芍藥加人參也曰桂加即桂枝湯加此也尺遲血少建中耆謂身痛尺中脈遲是血少營氣不足也雖未經汗不可發汗宜建中湯加黃耆以補營血也少陰謂身痛見少陰沉脈四肢厥冷也附子治謂宜附子湯治也厥陰謂身痛見厥陰厥逆汗出不止下利清穀也四逆醫謂以四逆湯醫也風濕謂風濕身痛

也盡痛難轉側是濕則令人一身盡痛不能轉側  
掣引煩疼是風則令人筋脈牽引煩疼不寧也桂  
附宜謂宜以桂枝附子湯也

煩躁不眠懊懷

躁身不靜煩心擾不躁難眠作熱觀懊懷煩甚無冷病  
惟躁陰陽表裏看諸煩無論三法後便軟梔竹等湯煎  
便鞭白虎三豕氣躁同陰見便屬寒

註  
身為熱動而不安謂之躁心為熱擾而不寧謂之

煩煩則擾於內躁則動於外故有心煩而無身煩  
有身躁而無心躁也大抵煩屬陽躁屬陰若懊懣  
心中反覆顛倒煩不得眠不與躁同見者皆無冷  
病當作熱觀也惟躁則不然當分表裏陰陽取治  
故太陽有不汗出而煩躁謂之在表大青龍證也  
陽明有心下鞅之煩躁謂之在陽白虎湯證也三  
陰有吐利手足厥之煩躁謂之在陰四逆輩證也  
諸煩謂煩不眠懊懣也無論三法後謂不論已經

未經汗吐下三法之前後也但大便不鞭者以竹葉石膏溫膽梔子豉等湯主治可也便鞭者量其熱之深淺以白虎三豕氣湯主治可也躁同陰見謂躁同三陰證見便屬陰寒之躁宜四逆理中吳茱萸湯主治可也

自汗頭汗

自汗熱越多急下更兼熱利不休凶頭汗熱蒸不得越黃濕水火血皆成

註自汗在太陽謂之風邪桂枝湯證也在陽明謂之熱越白虎湯證也若大熱蒸蒸汗出過多則宜調胃承氣湯急下其熱救其津也若更兼發熱下利不休內外兩脫故凶也頭汗出劑頸而還則為熱不得外越上蒸於首也或因黃鬱未發或因濕家誤下或因水結胸蒸或因火結熱迫或因陽明蓄血或因熱入血室皆令成之則當分門施治可也

手足汗

手足澼澼然汗出便鞭尿利本當攻寒中汗冷尿不利  
攻之固痲瀉澄清

註胃主四肢為津液之主今熱聚於胃蒸其津液傍  
達於四肢故手足澼澼然汗出且小便自利胃中  
津液必乾大便必鞭本當攻也若中寒胃陽土虛  
脾不約束津液橫溢四肢猶如陰盛淫雨滂沱故  
汗出而冷也陽虛失運中寒不化故小便不利也  
今雖便鞭而手足汗出非為熱越者比慎不可攻

攻之必變生固痲泄瀉澄清不止也

潮熱時熱

午後一發為潮熱無休發熱汗蒸蒸時熱自汗無裏證  
先時與藥桂枝稱

註

潮熱陽明府證也陽明王於申酉故潮熱發於午  
後如潮信之不失因名之曰潮熱可下之證也無  
休發熱汗蒸蒸謂發熱無休止之時熱氣透手溱  
溱有汗名曰蒸蒸發熱亦屬陽明內實可下之證

也時熱自汗者謂發熱時輕時重而有自汗也似潮熱而次數似蒸蒸而休止潮熱蒸蒸之熱則必兼有可下之證時熱時止之熱則必不兼可下之證故曰無裏證也因其無裏證熱而有汗知風邪留連在表不已故用桂枝主治然必先其發熱汗出之時與桂枝湯也蓋桂枝不為時熱自汗者設而為時熱自汗有表無裏證者設也此處重在無裏證非謂凡有時熱自汗皆可服桂枝湯也

譫語鄭聲

譫語為實聲長壯亂言無次數更端鄭聲為虛音短細  
頻言重複更呢喃同陽經見均屬熱同陰經見總為寒  
陽無可攻當清解陰不能溫清補痊

註

言語心主之也心氣實熱而神有餘則發為譫語  
譫語為實故聲長而壯亂言無次數數更端也心  
氣虛熱而神不足則發為鄭聲鄭聲為虛故音短  
而細只將一言重複呢喃也蓋神有餘則能機變

而亂言神不足則無機變而祇守一聲也凡謔語  
鄭聲與陽經同見者均屬熱證可以攻之與陰經  
同見者總為寒證可以溫之若雖與陽經同見而  
無可攻之證不可攻之當清解也與陰經同見而  
無可溫之證不可溫之當清補也

### 渴證

三法傷津胃燥乾陽往乘陰渴亦然渴欲飲水少少與  
莫使停留飲病干太陽五苓尿不利陽明白虎飲連連

少陽證具心煩渴小柴去半粉加添

註渴病多因或汗或吐或下三法傷其津液致令胃

中乾燥故引飲也陽邪往乘三陰太陰則噎乾少  
陰則口燥厥陰則消渴渴在三陰陽邪亦屬熱傷  
津液故曰渴亦然也三陰之渴治法詳於三陰經  
內凡渴欲飲水者當少少與之以滋胃乾胃和則  
愈若恣意與飲之不但渴不能愈致水停留為病  
也太陽之渴用五苓散者以水停下焦小便不利

故也陽明之渴用白虎者以胃熱飲水連連不已也少陽寒熱徃來等證已具心煩渴者用小柴胡湯以和解去半夏以避燥加花粉以生津液也

### 舌胎

舌心外候本澤紅紅深赤色熱為輕外紅內紫為熱重滑白寒表少陽經沉遲細緊藏寒結乾薄氣液兩虛空黃黑胎潤裏熱淺焦乾刺裂熱深明黑滑若與三陰見水來尅火百無生

註舌者心之外候色應紅澤為無病也若初感內外紅深則為有熱外紅內紫則為熱甚舌胎滑白則為表寒其胎漸厚則為傳少陽經也熱者宜辛涼汗之寒者宜辛溫汗之在少陽者為胸中有寒丹田有熱也小柴胡湯兩解之胸中指表也淺也丹田指裏也深也非直指胸中丹田謂半裏之熱未成半表之寒猶在故舌白一證有寒有熱也若其胎滑厚與陰證畝同見乃藏虛寒結以理中加枳

實溫而開之若其胎乾薄與陽證同見乃氣虛液竭以白虎加人參清而補之若白胎漸變黃色此為去表入裏其熱尚淺表不罷者宜三黃石膏湯已入裏者涼膈散如焦乾黑色或芒刺裂紋此為裏熱已深宜梔子金花湯兼滿痛者大承氣湯紅火色也黑水色也與三陽證見為熱極反兼勝已之化清之下之尚可治也若與三陰證見則為水來尅火百無一生治者以生薑擦之其黑色稍退

急用附子理中四逆輩救之可生

胸脇滿痛

邪氣傳裏必先胸由胸及脇少陽經太陽脈浮惟胸滿  
過經不解有陽明乾嘔潮熱胸脇滿大柴加消兩解行  
心腹引脇鞭滿痛乾嘔尿秘十棗攻

註邪氣傳裏必先自胸若脈浮惟胸滿而不及脇者  
仍屬太陽表分也宜麻黃湯因胸及脇而皆滿者  
屬少陽經也宜小柴胡湯若十餘日不解而胸脇

滿兼乾嘔潮熱者是少陽兼有陽明也宜大柴胡湯加芒消兩解之若表已解心下及腹引脇滿鞭而痛乾嘔小便不利者是停飲內實也宜十棗湯攻之

### 嘔證

嘔病因何屬少陽表入裏拒故為殃太陽之嘔表不解食穀欲嘔在胃陽太陰有吐而無嘔厥陰涎沫吐虵長少陰嘔利有水氣飲嘔相因是水鄉

註嘔病諸經皆有因何屬少陽也因表邪入裏裏氣拒格上逆作嘔故為殃屬少陽也宜小柴胡湯心下鞅而煩或不大便宜大柴胡湯表不解之嘔屬太陽也宜柴桂湯食穀欲嘔屬胃陽胃陽陽明也屬中寒宜吳茱萸湯得湯更嘔屬表熱宜葛根加半夏湯嘔吐涎沫或嘔吐虵屬厥陰也宜吳茱萸湯吐虵者宜烏梅丸嘔而下利是有水氣屬少陰也宜真武湯飲而嘔嘔而飲飲嘔相因不已是停

水也宜五苓散

往来寒熱如瘧寒熱

往来寒熱少陽證寒熱相因小柴胡如瘧寒熱三五發  
太陽麻桂等湯除

註  
寒而熱熱而寒寒熱相因不已故名曰往来寒熱  
為少陽主證宜小柴胡湯寒熱而有作止之常一  
日一次或隔日一次謂之瘧屬雜病也寒熱而無  
作止之常日三五發謂之如瘧屬太陽經未盡之

表邪也宜麻桂各半湯若熱多寒少宜桂枝二越  
婢一湯若有汗宜桂枝二麻黃一湯若無汗亦宜  
麻桂各半湯此皆治太陽未盡之微邪法也

目眩耳聾

少陽目眩神自正諸逆昏亂不能生重暈耳聾濕温汗  
不語面色變身青

註目眩者目黑不明也耳聾者耳無所聞也昏少陽  
經主證非死候也其目之明其耳之聰神自完整

若因三法失宜致諸變逆壞證目眩而神昏言亂  
乃神散氣脫之候故曰不能生也若因誤發濕溫  
家汗而不能言語耳聾無聞身青面色變者名曰  
重暈亦死證也

### 腹滿痛

腹滿時痛不足證腹滿大痛有餘名誤下邪陷太陰裏  
汗熱便鞭轉陽明

註腹滿時痛為不足桂枝加芍藥湯不愈用理中湯

腹滿大痛為有餘桂枝加大黃湯此皆誤下邪陷  
太陰之裏證也若潮熱自汗大便鞕則為太陰之  
邪轉屬陽明也宜大承氣湯

吐證

中寒吐食不能食不渴而厥吐寒虛得食吐渴火為逆  
飲吐相因水病居

註中寒吐食謂中寒吐食不能食也凡不渴而厥吐  
是寒虛吐也宜理中吳茱萸輩凡渴而得食即吐

是火吐也熱實宜黃連解毒湯熱虛宜乾薑黃連  
黃芩湯或竹葉石膏湯渴而飲飲而吐吐而復渴  
水逆病也宜五苓散

熱利寒利

熱利尿紅渴黏穢寒利澄清小便白理中不應宜固澁  
仍然不應利之瘥

註自利不渴者屬太陰寒也下利欲飲水者以有熱  
故也此以渴辨寒熱也小便黃赤穢氣稠黏者皆

熱利也小便清白澄徹清穀皆寒利也熱利有表證輕者升麻葛根湯重者葛根湯汗之有裏證者量以三承氣湯下之無表裏證輕者宜黃芩湯重者宜葛根黃連黃芩湯清之寒利宜理中湯溫而補之若服理中湯不應者此屬下焦滑脫宜赤石脂禹餘糧湯固澀仍然不應此為清濁不分水走大腸宜五苓散或豬苓湯利之可瘥也

但欲寐

行陰嗜臥無表裏呼醒復睡不須驚風溫脈浮熱汗出  
多眠身重息鼾鳴

註行陰欲寐嗜臥少陰證也若欲寐嗜臥無表裏證  
身和脈小知已解也然解後之睡呼之則醒醒而  
又睡是陰氣來復非陰盛困陽不須驚也風溫亦  
欲寐多眠則有脈浮發熱汗出身重鼻息鼾鳴之  
別也

陰陽咽痛

咽痛乾腫為陽熱不乾不腫屬陰寒陽用甘桔等湯治  
陰用甘桔附薑攢

註咽痛一證寒熱皆有咽乾腫痛為三陽熱證宜甘  
桔半夏苦酒豬膚等湯調治不乾不腫而痛為三  
陰寒證宜四逆湯加桔梗主治也

氣上衝

氣撞吐虺厥陰本無虺陽表桂枝湯少腹急引燒裊散  
衝喉難息瓜蒂良

註氣撞吐虺謂厥陰本證也無虺謂氣撞不吐虺乃邪猶在陽表也宜桂枝湯少腹急引謂氣上衝更少腹引陰急痛乃陰陽易病也宜燒視散衝喉難息謂氣上衝喉胸滿難以布息乃寒實在胸也宜瓜蒂散

饑不欲食

饑不欲食吐虺厥下後不食屬陽明懊憹頭汗梔子豉厥繫心煩邪在胸

註饑不欲食吐虺厥謂厥陰本證也下後饑不能食屬陽明也陽明病則懊懣心中煩甚頭上汗出是熱在胃中宜梔子豉湯涌之厥陰病則吐虺厥逆脈微今不微而緊更心煩者非寒虛邪是寒實邪而在胸中宜瓜蒂散吐之

手足厥逆

太陰手足溫無厥少陰厥冷不能溫厥陰寒厥分微甚熱厥相因辨淺深

註  
太陰經無厥逆而有手足自溫少陰經有寒厥而  
無熱厥厥陰經有寒熱二厥寒厥者祇寒而不熱  
也熱厥者由熱而厥由厥而熱熱厥相因無休歇  
也當辨陰陽淺深以當歸四逆承氣等湯施治可  
也詳厥陰篇

少腹滿痛

少腹滿而按之痛厥逆尿白冷膀胱不厥血蓄小便利  
小便不利水為殃

註少腹滿按之痛若四肢厥冷小便清白者是冷結  
膀胱宜當歸四逆加吳茱萸生薑湯不厥冷小便  
自利者是血蓄膀胱宜桃仁承氣湯小便不利者  
是水蓄膀胱宜五苓散若大小便不利者是水熱  
蓄結宜八正散

神昏狂亂蓄血發狂

神昏胃熱重陽狂三黃三承白解湯蓄血發狂小便利  
少腹鞭痛屬太陽陽明蓄血大便黑其人如狂而喜忘

桃仁承氣抵當治須識作汗奄然狂

註神昏胃熱謂神昏是胃經熱極乘心也重陽狂謂  
熱入於陽則狂亂也三黃謂三黃石膏湯治神昏  
狂亂表寒無汗者也三承謂三承氣湯治神昏狂  
亂裏實不便者也白解湯謂白虎解毒湯治神昏  
狂亂無表裏證而熱極者也太陽蓄血發狂則少  
腹鞭痛小便自利若小便不利是水熱蓄也非血  
蓄也陽明血蓄如狂則喜忘大便黑若大便不黑

是熱極也非血蓄也蓄血輕者桃仁承氣湯重者  
抵當湯擇而用之可也然發狂證亦有陽盛陰虛  
之人作汗將解之時奄然發狂濺然汗出而解者  
當須識之不可以藥也

循衣摸床

循衣摸床有二因太陽火劫熱傷陰小便利生不利死  
陽明熱極熱彌深皆緣三法失成壞血實堪下弱難禁  
虛實陰陽難辨處獨參六味可回春

註循衣摸床危惡之證也一因太陽火劫取汗致陽  
盛傷陰陰若未竭則小便利多生陰若已竭則小  
便難多死一因陽明熱極汗吐下三法失宜致成  
壞證其熱彌深脈實者堪下則可治脈弱者不堪  
下則難治此已成危惡壞證往往陰陽虛實醫莫  
能辨無下手處當以大劑獨參六味乾生地黃湯  
時時與之每獲生也

# 太陽陽邪停飲

太陽陽邪有水逆消渴發熱汗出煩小便不利水入吐  
衄浮而數五苓攢

註

太陽陽邪有水逆消渴之病謂太陽中風有渴欲  
飲水水入即吐者名曰水逆飲水多而小便少者  
名曰消渴發熱汗出風邪也煩熱也小便不利水  
入則吐飲停也浮數風熱衄也均宜五苓散多服  
煖水令微汗出外解太陽內利停水則愈若不能  
飲煖水欲飲冷水者是熱盛也以五苓散加寒水

石石膏滑石可也詳太陽上篇

太陽陰邪停飲

太陽陰邪有水氣傷寒無汗熱烘烘主證乾嘔欬微喘  
外發內散小青龍小便不利少腹滿下利除麻共入苓  
噎麻易附喘加杏渴加花粉減半平

註

太陽陰邪有水氣謂太陽傷寒表不解發熱無汗  
兼有乾嘔而欬微喘飲病之主證宜以小青龍湯  
外發寒邪內散寒飲則可愈也或小便不利少腹

滿或下利或噎或喘或渴此飲病或有之證亦以  
小青龍湯主之小便不利少腹滿是水停下焦大  
便下利是水走大腸俱除麻黃共入茯苓專滲利  
也噎為內寒之甚以麻黃易附子散內寒也喘氣  
上逆加杏仁以降逆也渴加花粉減去半夏以避  
燥生津也詳太陽下篇

少陰陽邪停飲

少陰陽邪有停飲六七日反不得眠下利而渴欬而嘔

小便不利豬苓煎

註少陰陽邪有停飲謂少陰陽邪熱證兼有停飲病也少陰病當欲寐至六七日反心煩不得眠是少陰熱也下利而渴欬嘔小便不利是水飲停也以豬苓湯去其熱而利其水可也詳少陰篇

少陰陰邪停飲

少陰陰邪有水氣腹痛四肢重沉疼小便不利自下利或欬或嘔真武平欬加乾薑辛味共小便若利去茯苓

嘔去附子生薑倍利去芍藥入乾寧

註少陰陰邪有水氣謂少陰陰寒兼有水氣病也飲

病主證謂腹痛四肢沉重疼痛大便自利小便不利宜真武湯溫中利水也飲病或有之證或欬或小便利或嘔或下利欬加生薑細辛五味子小便若利去茯苓嘔去附子倍加生薑利去芍藥入乾薑也

喘急短氣

喘息喝喝數張口短氣似喘不擡肩促難布息為實證  
短不續息作虛觀內因飲病或痰熱外因陰陽表裏看  
直視神昏汗潤髮疎微肢厥命難全

註 喘息氣急喝喝而數張口擡肩欠肚者喘也短氣

則似喘非喘而不張口擡肩也二證皆胸中氣病  
肺主氣故屬肺也無論喘急短氣若氣促壅塞不  
能布息為有餘之實證若氣短空乏不能續息為  
不足之虛證內因謂飲冷傷肺或因痰熱也外因

謂形寒傷表表主皮毛肺之合也皮毛受邪其次及膚及肌及胸及腹入胃昏令病喘當審陰陽表裏從化主治可也喘急短氣無直視神昏汗出潤髮疎微四肢厥冷昏死候也與三陰寒證同見是為陰喘宜四逆加杏仁五味子虛者倍加入參與三陽熱證同見是為陽喘宜白虎葛根黃芩黃連湯與太陽表證同見是為表喘無汗者麻黃湯兼煩躁者大青龍湯有汗者桂枝加厚朴杏子湯與

陽明裏證同見是為裏喘宜大承氣湯兼結胸者  
宜大陷胸丸若兼水氣表實者小青龍湯表虛者  
及小便不利均宜五苓散加葶藶子裏實者宜葶  
藶大棗湯兼腹脇鞭痛者宜十棗湯裏寒者宜真  
武湯若衄微細口鼻氣短喘乏而無陰陽表裏證  
此氣虛喘也宜保元湯加五味子杏仁若喘而唾  
痰稠黏喉間澆澆有聲此痰喘也重者宜瓜蒂散  
礞石滾痰丸輕者二陳加苦葶藶子蘇子之類也

心下悸

築築惕惕心動悸怔忡忡不自安飲多尿少為停水厥冷汗後是虛寒

註心下築築惕惕怔忡忡謂悸病之狀也飲水多而小便少水停心下之悸也宜茯苓甘草湯或五苓散厥冷為寒宜真武湯汗後為虛宜小建中湯或不因汗後是虛之甚也宜炙甘草湯

戰振慄

戰身聳動慄心慄振雖聳動比戰輕故振責虛因無力  
慄戰相交邪正爭此證若生三法後虛其中外逆而成  
不逆因和而作解正勝邪却戰汗平

註

戰謂身抖聳動也慄謂心內發慄也振亦聳動比  
之於戰則無力也所以論中曰振振者皆責其虛  
也慄邪氣為之也戰正氣為之也邪正相交故爭  
也此證若生於汗吐下之後是虛其中外而致逆  
也若不致逆邪因以衰正因以和而作解則為正

勝邪却戰慄汗出而平也

呃逆噦噫

呃逆今名餽古名不似噦噦胃裏聲餽聲格格連聲作  
原夫臍下氣來衝頗類噦噫情自異均屬氣逆治能同  
虛熱橘皮竹茹治二便不利利之寧氣不歸原宜都氣  
寒虛丁萸附理中痞鞭下利生薑瀉痞鞭噫氣代赭功  
註今之名曰呃逆即古之名曰餽也餽者氣噎結有  
聲也世有以噦為呃逆者蓋不知噦噦之聲聲從

胃裏出口不似飮之格格連聲氣從臍下來自衝  
齶出口作聲也呃逆頗類噯氣噫氣噯氣者因飽  
食太急比時作噯轉食氣也噫氣者因過食傷食  
越時作噫食臭氣也故曰情自異也但均屬氣逆  
為病故曰治能同也呃逆之病胃氣虛竭也無熱  
者以橘皮竹茹湯加柿蒂主之無大便不利以三  
承氣湯主之兼小便不利以二苓散湯主之無腎  
虛不能攝衝齶之氣歸原以都氣湯加牛膝主之

兼寒虛太陰手足溫以丁萸理中湯主之少陰手足厥更加附子兼痞鞭下利以生薑瀉心湯主之兼痞鞭噫氣以旋覆代赭石湯主之

### 結胸

按之滿鞭不痛痞鞭而滿痛為結胸大結從心至少腹小結心下按方疼熱微頭汗為水結漱水不嚥血結名瘀衄未盡經適斷內實沉大審的攻抵當桃仁大小陷誤攻浮大命多傾不實浮滑小陷證藏結悉具躁煩凶

註傷寒下之太早則成痞鞭中風下之太早則成結  
胸均為表邪乘虛入裏鞭滿按之而痛為結胸實  
邪也鞭滿按之不痛為痞鞭虛邪也大結謂大結  
胸從心下至少腹鞭滿而痛手不可近者宜大陷  
胸湯攻之小結謂小結胸微結心下按之方痛不  
按不疼也宜小陷胸湯開之身有微熱頭自汗出  
兼有是證者為水結胸也宜大陷胸丸攻之漱水  
不欲嚥兼有是證者為血結胸也血瘀不成衄解

或衄未盡或婦人經來適斷皆能成之宜抵當丸  
或桃仁承氣湯攻之內實證實可攻也沉大脈實  
可攻也審其的當則用抵當桃仁承氣大陷胸湯  
丸以攻之審若不內實脈浮滑或脈浮大是未的  
也乃小陷胸證不可攻也誤攻之定然凶也藏結  
謂狀如結胸舌胎白滑脈浮而細也悉具謂結胸  
通腹兩脇皆鞭滿痛也此證加之煩躁凶死可知

痞鞭

陽證痞鞭為熱痞大黃黃連瀉心寧汗出惡寒寒熱痞  
附子瀉心兩收功誤下少陽發熱嘔痞滿半夏瀉心能  
虛熱水氣痞下利心煩乾嘔腹雷鳴虛熱水氣生薑瀉  
痞急氣逆甘草靈桂枝表解乃攻痞五苓煩渴利尿通  
註傷寒下早則成痞鞭中風下早則成結胸此其常  
也然論中中風下早未嘗無痞鞭傷寒下早亦有  
結胸大抵從虛化者多為痞鞭從實化者多結胸  
也陽證心下痞鞭為熱痞宜大黃黃連瀉心湯若

陽證汗出惡寒為寒熱痞宜附子瀉心湯誤下少  
陽發熱而嘔心下痞滿為嘔逆痞宜半夏瀉心湯  
陽證誤下心下痞鞭下利心煩乾嘔腹中雷鳴腸  
下有水氣致小便不利為虛熱水氣之痞宜生薑  
瀉心湯若有是證腸下無水氣其痞急益甚為虛  
熱客氣上逆之痞宜甘草瀉心湯凡有痞者有無  
汗惡寒之表宜桂枝湯表解已乃可以大黃黃連  
瀉心湯攻痞也若有痞者與瀉心湯痞不解其人

煩渴小便不利先以五苓散小便利後乃可與諸瀉心湯治痞也

### 發黃

濕熱發黃頭汗出小便不利渴陽明素有寒濕發汗後黃從陰化太陰經陽色鮮明陰色暗太陽血蓄併狂生表實麻翹赤小豆茵陳裏實梔子清陰黃茵陳四逆主便溏尿秘茵五苓環口黧黑柔汗死體若烟熏陽絕微註陽明病應徧身有汗謂之熱越今頭汗出身無汗

是熱不得越也渴而引飲小便不利是停水也熱與濕瘀從土而化外薄肌肉謂之濕熱發黃也或其人素有寒濕為表邪遏鬱或已成黃又經發汗傳入太陰從陰而化謂之濕寒發黃也陽明屬陽故其色明亮太陰屬陰故其色晦暗也太陽蓄血亦有發黃多與狂病併生法當從蓄血治也表實無汗發黃者宜麻黃連翹赤小豆湯汗之裏實不便者宜茵陳蒿湯下之無表裏證熱盛者宜梔子

藥皮湯清之陰證發黃者宜茵陳四逆湯溫之若  
大便溏小便秘發黃者宜茵陳五苓散利之環口  
蠶黑柔汗者陰黃死證也柔汗謂冷汗也身體枯  
燥如烟熏者陽黃死證也

### 疹斑

傷寒疹斑失汗下感而即出時氣然表邪覆鬱營衛分  
外泛皮皴痧疹斑痧白疹紅如膚粟斑紅如豆片連連  
紅輕赤重黑多死淡紅稀暗是陰寒未透升麻消毒治

熱盛三黃石膏煎已透青黛消斑飲雙解痧疹法同前  
註傷寒發斑痧疹皆因汗下失宜外邪覆鬱內熱泛  
出而成也惟時氣傳染感而即出亦由疫之為病  
烈而速也發於衛分則為痧衛主氣故色白如膚  
粟也發於榮分則為疹斑榮主血故色紅膚淺為  
疹深重為斑斑形如豆甚則成片連屬斑疹之色  
紅者輕赤者重黑者死此以熱之深淺驗死生也  
若其色淡紅而稀暗者皆因邪在三陽已成斑疹

入裏邪從陰化或過服冷藥所致是為陰斑陰痧  
陰疹法當從陰寒主治也斑出未透表熱輕者宜  
升麻葛根湯合消毒犀角飲治之表熱重者宜三  
黃石膏湯發之已透用青黛消斑飲加減清之痧  
疹初起表裏不清用雙解散先通表裏餘法同前  
治之可也

### 衄血

陽明衄血熱在裏太陽衄血熱瘀經太陽頭痛目瞑兆

陽明漱水不噦微衄後身涼知作解不解升麻犀角清  
未衄表實麻黃汗裏熱犀角芩連同

註陽明衄血熱在裏也太陽衄血熱瘀經也太陽失  
汗則有頭痛目暝之兆陽明失下則有漱水不欲  
嚥之徵衄血之後身涼脈靜知作解也若仍不解  
知衄未盡熱留於榮也無汗表熱宜升麻葛根合  
犀角地黃湯清解之欲作衄不衄者表實宜麻黃  
湯汗之裏熱宜犀角地黃湯加芩連清之若表實

裏熱者則又當合二方兩解之

### 吐血

傷寒吐血多因逆下厥上竭少陰經三陽熱盛宜清解  
血瘀胸滿痛當攻暴吐腐臭內潰死過多血脫面無紅  
犀角枕仁宜揀用救脫聖愈及養榮

註傷寒吐血皆因失汗失下火逆以致邪熱熾盛沸  
騰經血故也若血從口鼻耳目而出小便難此為  
強發少陰汗名曰下厥上竭為難治也三陽熱盛

吐血宜升麻葛根合犀角地黃湯熱甚加苓連清  
解可也若血瘀則胸滿或痛當以桃仁承氣合犀  
角地黃湯攻之若暴吐腐臭之血名曰內潰內潰  
者死若吐血過多面脣無紅色名曰血脫救脫輕  
者以聖愈湯重者以人參養榮湯

大小便膿血

熱在膀胱小便血八正導赤利之佳熱瘀裏急下膿血  
黃連白頭與桃花

註陽經之熱下注膀胱傷其榮分熱少血多瘀成血蓄熱多血少熱迫血行血不得蓄而走下竅故尿血也以八正散導赤散利而清之陰經之熱轉迫陽明傷其榮分瘀則血蓄喜忘如狂不蓄則便血熱腐則便膿便膿熱鬱裏急下重所必然也輕者宜黃連阿膠湯重者白頭翁湯清之滑脫者桃花湯瀉之可也

頤毒

傷寒發頤耳下腫失於汗下此毒生高腫焮紅痛為順  
反此神昏命必傾毒伏未發齧亦隱冷汗淋漓肢若冰  
煩渴不便指甲紫頤似三陰了了輕

註傷寒頤毒昏因汗下失宜毒熱挾少陽相火上攻  
而成也若其人陽氣素盛則高腫焮紅疼痛易於  
成膿故為順也宜連翹敗毒散散之或其人陽氣  
素虛或服冷藥過多遏鬱毒熱伏藏在裏內攻神  
昏外毒漫腫肉色不變不疼木硬則命必危也毒

伏未發之前往往似三陰亡陽之證。脈隱不見，冷汗淋漓，肢冷若冰，但身輕目睛了了，煩渴不大便，指甲紅紫為異。此毒發始臨，治不可忽也。

### 狐惑

古名狐惑，近名疳蝕。肛陰惑，脣咽病後餘毒斑疹後，瘰疾利後也。同然面皆赤白黑不一，目不能閉，喜貪眠，潮熱聲啞，腐穢氣能食，堪藥治多全。

註：狐惑牙疳下疳等瘡之古名也。近時惟以疳呼之。

下疳即狐也蝕爛肛陰牙疳即惑也蝕咽腐齲脫  
牙穿腮破唇毒因傷寒病後餘毒與濕蘊之為害  
也或生斑疹之後或生癩疾下利之後其為患亦  
同也其證則面色目眇或赤或白或黑時時不一  
喜睡目不能閉潮熱聲啞腐爛之處穢氣熏人若  
胃壯能食堪受攻病重藥或病之勢緩治多全也

百合

百合百脈合一病如寒似熱藥無靈飲食起居皆忽忽

如神若鬼附其形 衄數 溺時輒頭痛 溺時不痛 浙浙風  
溺時快然 但頭眩 六四二十病方寧

註 百合病者謂傷寒過期留連不解不分經絡 百衄  
悉合為一病也 如寒似熱 諸藥無靈 欲飲不能飲  
欲食不能食 欲臥不能臥 欲行不能行 精神忽忽  
如神若鬼 附其形體而莫知所適從也 如衄數 溺  
尿時輒頭痛者 六十日乃愈 若溺尿時頭不痛 惟  
浙浙然惡風寒者 四十日乃愈 若溺時快然 但頭

眩者二十日乃愈故曰六四二十日病方寧也

熱入血室

婦人傷寒同一治胎產經來熱入室晝日明了夜譫妄  
小柴生地牡丹皮無汗加麻有汗桂汗後不解再加枝  
寒熱如瘧加麻桂中寒薑附不須疑渴熱白虎花粉葛  
瘀血桃仁承氣俱產後胎前雖多證不外陰陽表裏醫  
註婦人傷寒與男子治法同也惟產後經來邪熱乘  
虛而入血室另有治法熱入血室之證晝日明了

夜則譫語妄見鬼狀宜小柴胡湯加生地丹皮若無汗則為表實加麻黃汗之有汗則為表虛加桂枝解之若有發熱惡寒之表已經發汗雖無汗不加麻黃再加桂枝以解之不可復用麻黃也若有如瘧之寒熱加麻黃桂枝兩解之若厥而下利則為中寒去黃芩加薑附不須疑也若發熱煩渴則為裏熱去半夏合白虎或加花粉葛根胸脇少腹或滿鞭或作痛則為瘀血宜合桃仁承氣湯攻之

產後胎前雖有多證不能盡述總不外陰陽表裏  
之治在臨證者以意消息之耳

食復勞復

新愈藏府皆不足榮衛腸胃未通和多食過勞復生熱  
枳實梔子大黃差浮汗沉下小柴解燥嘔竹葉石膏合  
氣虛補中益氣主陰虧六味倍參多

註新愈之後藏府氣血皆不足榮衛未通腸胃未和  
惟宜白粥靜養若過食胃弱難消因復煩熱名曰

食復若過勞役復生熱煩名曰勞復勞復者宜枳

實梔子豉湯汗之食復者宜枳實梔子豉加大黃  
湯下之脈浮有表者宜枳實梔子豉湯以汗解之  
脈沉有裏者宜枳實梔子豉加大黃湯以下解之  
若無表裏證者宜小柴胡湯以和解之口燥煩渴  
喜嘔者宜竹葉石膏湯主之若內傷氣虛勞復者  
宜補中益氣湯主之若犯內事陰虧者宜六味生  
乾地黃湯氣少者倍加人參湯主之

房勞復陰陽易

房勞復與陰陽易二病情異證則同病後犯色復自病  
病傳不病易之名男女俱主燒視散少腹急痛引陰中  
身重少氣頭眩暈拘攣熱氣上衝胸

註 男女新愈交接因而復病名曰房勞復男女新愈

交接病男傳不病之女病女傳不病之男名曰陰  
陽易即交易之義也犯是病者男以女之視襠女  
以男之視襠燒灰白湯或酒日三服之則愈少腹

急痛牽引陰中身重少氣頭目眩暈四肢拘攣熱  
氣衝胸是其證也

御纂醫宗金鑑卷三十七



總校官庶吉士臣張能照

校對官編修臣周厚轅

謄錄監生臣沈東昇